

Filipenses

Peresugue árĩgu ipũre gojabeopu Pablo

¹ Gũa Pablo Timoteo mera Jesucristo pohro majarã áhraa. Eropirã árĩpehrerãre mũare ðarãre Jesucristo yarãre Filipino majarãre gojabeoa gũa. Mũa oparã sãre mũare itamurã sãre gojaa.

² Eropirã Goãmũ mari Pagũ mari Opũ Jesucristo mera mũare ðadorea. Ĩgu itamuri mera ðaro árĩque mũa.

Pablo Jesu yarãre Goãmũre serēbasapu

³⁻⁶ Goãmũ mũare ðaripũre gohrotocũ iigu iimi. Eropigu mũare ĩgu iinugadiro dopa ta ii ojo-gorocugucumi. Eropirã Jesucristo i yebaguere ĩgu eracũguere ñeri marirã árĩrãca mũa. Negohraguere Jesu yarã mũa wara pũhũ, dohpague sãre itamua mũa yũre ðari buherire yũ buhecũ. Mũa eropa iirã árĩcũ Goãmũre “Õhaa,” arãa yũhũ. Mũaare guñagu ðpa dihta arãa yũhũ. Mũaare Goãmũre serēbasagu mucubiriri mera serēbasaa.

⁷ Eropigu mũare yũ ðaro mera eropa pepicũ ðapũrica. Õari buherire “Diaye ta áhraa,” oparãre yũ arĩtarinugacũ mũa yũre itamubũ. Iri buherire diaye ta iri árĩrire masare yũ werecũ itamubũ mũa. Peresu yũ árĩcũ sãre itamubũ. Eropa mũa itamucũ mari yujuro mera Goãmũ itamurire opaa. Eropigu yũ sĩporã mera turaro mahia yũhũ mũare.

8 Jesucristo ĩgu mahiri mera burigã mware guñaá yũhũ. Yũ eropa guñacũ Goãmũ irire masimi.

9 Mware õpa arĩ serẽbasaa yũhũ Goãmũre. Goãmũ yare õaro masiri mera õaro pee masipehori mera Goãmũre masa sãre mũa mahinemoburire serẽbasaa yũhũ Goãmũre.

10 Õarire mũa masiburi sãre serẽbasaa mware. Mũa eropa masirã Cristo i yebague ĩgu dujaricũ õarire iinirã árĩrã, dipuwaja marirãca mũa.

11 Eropa õarire iirã Goãmũ gamerire iirãca mũa. Eropa iimorã wacũ iigũcumi Jesucristopũ mware. “Goãmũ õagũ, turagũ áhrimi,” árĩpehrerã ĩgũre erã arĩ umupeoburire ĩgu gamerire mũa iicũ iigũcumi mware.

Pablo Jesucristo yagũ ĩgu warare werepũ

12 Yũ acawererã, ire mũa masicũ gahmea. Yũ dohpaguere peresu yũ árĩquerecũ ta õari buheripũ eropa mũhtaniguicãa.

13 Eropigũ Cristo yagũ yũ árĩri waja peresu yũ warare masipehrema opũ ya wihi majarã surara. Árĩpehrerã gajirã sã õre irire masima.

14 Eropirã peresu yũ árĩcũ ĩarã, bajarã mari acawererã Jesu yarã mari Opũre Jesure umupeonemoma. Eropa umupeorã gũiro mariro õari buherire gajirãre buhema erã.

15 Yujurãyeri Cristo yare buhebonirã árĩquererã yũre ĩhaturima. Cristo yare buherã erãpũre masa ĩhasũacũ gahmema. Gajirãpũ õaro mera Cristo yare buhema.

16-17 Õari buherire yũ werenigui turaburire Goãmũ yũre ĩgu apirare õaro masima. Oãpũ

eropa masirã yũre umupeorã Cristo yare buhema. Gajirãpũ yũre ãhaturirã masare erãpũre ãhasũacũ gamerã Cristo yare buheama. Eropirã yũ peresu árĩcũ erã yũre bujawerecũ iidiana.

18 Ōaroca. Cristo yare ta buherã iima. Erã yũre umupeobiriquererã Cristo yare buhema. Gajirãpũ õari mera buhema. Árĩpehrerã erã ãgu yare buhecũ mucubiria.

19 Eropigũ mucubiriniguicãgũca yũhũ. Goãmũre mũa yũre serẽbasara mera, Jesucristo ãgu Espĩritu Santo itamuri mera Goãmũ yũre õaro taricũ itamugũcumĩ. Irire masia.

20 Ōpa ta bũrigã iidiaa yũhũ dohpa. Ne yũ iirare ñero pepidiabeaa. Ñero pepibigu árĩgu doyarõ mariro árĩgũpũ masare Cristore õaro umupeocũ bũrigã iidiaa. Ŭmuri nũcũ yũ iidiro dopa ta dohpague sãre erã Cristore “Ōagũ, turagũ ãhrimi,” erãre arĩ umupeocũ iidiaa. Ojocarigu gohra eropa ta iidiaa. Erã yũre wejẽdiaquerecũ ta eropa ta iidiaa.

21 Ojocariniguigũ gohra Cristo yare iiniguica dohpa. Sĩrigũgue tamera ojocarirã tauro õaro dujagũca yũhũ.

22 Ojocariniguigũ Cristo yare yũ iinemoboro dopa ojocariniguicãdiaca. Eropa iidiaqueregũ ta sĩriri sãre gahmea. ¿Dipare yũ gamebocuri? Masibirica yũhũ.

23 Yũ õpa arĩ wereniguicũ masisũya mara yũre. Cristo mera bũrigã árĩdiaa. Eropigũ dohpaguere ãgu pohrogue wadiaca. Ojocariri tauro sĩriripũ õatarinũgacãroca.

24 Eropā ářĩquerecũ ta mũare yũ itamuboro dopa ojocarinemoro gahmea yũre.

25 Irire masigũ ohõ mũa mera yũ ářĩborore masia yũhũ. Eropā ářĩniguicãgũca yũhũ mũa Cristore umupeonemoboro dopa, iri umupeoturari mera mũa mucubiriborore.

26 I yebague ářĩnigũ mũa pohroque dipaturi yũ wacũ mũa mucubirirãca. Eropā yũhũ mũa pohro ejacũ Cristo Jesu yũre ĩgũ itamurire masirã, “Turagũ áhřimi ĩgũ,” arĩ umupeorãca mũa ĩgũre.

27 Dohpaguere i dihtare iique. Cristo ya buheri iri arĩro dopa ta ářĩricũque mũa. Guñaturarã ářĩque. Eropirã game dũca wariro mariro õari buherire yujuro mera bũrigã buheque. Eropā ta yũ mũa pohro wabiricũ sãre yũ wacũ sãre mũa eropa iicũ gahmea. Eropā mũa yujuro mera ářĩrã ářĩcũ peebeodiaa yũhũ.

28 Mũare ĩhaturirãre gũibiricãque. Mũa eropa gũibiricũ ĩarã Goãmũ yarã mũa ářĩcũ masirãcoma erã. Eropā masirã erã peamegue waboro sãre masirãcoma. Eropirã Goãmũ ĩgũ tauboro sãre masirãcoma. Őpa ta masicũ iimi Goãmũ masare.

29 Cristore mũa umupeobure Goãmũ apidi ářĩmi. I sãre apidi ářĩmi. “Cristo yare mũa werera waja ñero tarirãca,” arĩ apidi ářĩmi Goãmũ mũare.

30 Eropirã Cristo yarã mũa ářĩri waja gajirã mũare ñero iima. Mũare erã iidiro dopa ta yũ sãre ñero iima erã. Mũa mera yũ ářĩcũ yũre erã eropiicũ ĩabũ. Dohpague sãre erã yũre eropiicũ pee waĩcũa mũa. Eropirã mari yujuropa ta ñero

taria.

2

Cristo bu árĩgũ iro dopa eradigũ árĩpehrerã weca opũ árĩbu warũ, arĩ gojañumi Pablo

¹⁻² Cristo mũare òaro sĩporãcũcũ iinirã, Cristo ïgũ mahiri mera mũa mucubirirã, yũpũre òaro mucubiricũ iique. Eropirã Espĩritu Santo árĩpehrerã mũa mera ïgũ árĩcũ gajirãre mahirã, mojomoro ïarã árĩrã, yũre òaro mucubiricũ iique mũa. Ire mũa iicũ mucubirigũca. Yujuropa ta òaro sĩporãcũque mũa. Eropirã mũa basi game mahique. Õari mera árĩricũque. Eropirã árĩpehrerã yuju diaye òaro árĩque.

³ Gajirãre tarinũgadiarã árĩbiricãque. Eropirã eropa ta pepi árĩcãque. Eropirã gajirãre òaro umupeo òpa arĩ pepique: “Erãpũ yũ tauro òarã ãhrima,” arĩ pepique.

⁴ Gajigũ gajirãre itamudiabiribocumi. ïgũ iro dopa iibiricãque. Gajirã sãre itamuque.

⁵ Jesucristo ïgũ eropa pepicãdiro dopa ta mũa sã eropa ta pepicãque.

⁶ ïgũpũ Goãmũ gohra árĩqueregũ ta “Goãmũ yũ árĩrire ne duhusome yũhũ,” arĩbiripũ ïgũ.

⁷ Eropigũ ïgũ Goãmũ ïgũ árĩrãre duhu, masũ ta masa dehyoadigũ pohro majagũ iro dopa árĩnũgarũ i yebaguere.

⁸ Eropigũ ïgũ masũ dũpũcũgũ bu árĩgũ gohra árĩnũgarũ. Eropa árĩnũgagũ “Crusague wejẽque ïgũre,” erã arĩcũ ïgũ Goãmũre yũhriũ tarinũgabiripũ. Crusague ta gũhyasĩuro mera

sĩribu árĩqueregu ta ĩgu tarinugabiripũ ĩgu Pagure.

⁹ Eropigu ĩgu eropiicũ ĩha mari Pagũ árĩpehrerã masa erã umupeobure apipũ Jesure. Eropigu árĩpehrerã gajirã weca opũ acupũ Goãmũ ĩgure.

¹⁰ Eropirã árĩpehrerã umaro majarã, i yeba majarã, sĩrinirã mũra sã Jesu waĩre peerã erã mereja muju ĩgure umupeorãcoma pare.

¹¹ Eropa ĩgure opũ acugucumi mari Pagũ árĩpehrerã Jesucristore “Mari Opũ ãhrimi,” erã arĩbure. Eropa arĩrã mari Pagũ Goãmũre umupeorãcoma.

Cristo yarã ðarire wererã masare masicũ iima

¹² Eropirã, yũ mahirã, mũa mera yũ árĩcũ mũa yũhridiro dopa ta, dohpaguere yũ yoarogue árĩcũ sãre ðaro yũhrique yũre. Eropirã peamegue wabonirã mũa Goãmũ taunirã arĩrã Cristo ĩgu itamuro mera ĩgu gamero dopa ii purumujuque. Eropirã umupeori mera biraro mariro Goãmũ yare iique.

¹³ Goãmũ ðaripũre mũare gamecũ iigu iimi. ĩgu eropa gamero dopa ta mũa iiborore iimi. Eropigu irire mũa ĩgu yare ðaro iiborore itamuniguicãmi Goãmũ. ĩgu eropa iicũ irire yũ arĩdiro dopa ta iique mũa.

¹⁴ Árĩpehrerire iirã turiro mariro, mũa basi gajinore werericũro mariro iique.

¹⁵ Eropiique mũa ñeri dipuwaja marirã, ñerire iibirã Goãmũ porã ðaro mũa árĩmorã. Eropiique mũa masa gũyarã, ñerã watopere goroweoro mariro mũa árĩmorã. Erã ñerã watope mũa

árĩrã õari buherire buherã masicũ iiaa mũa i yeba majarãre.

16 Iri buherire mũa peeñanirã Goãmũa mera eropa árĩniguimorã wabũa mũa. Iri buherire i yeba majarãpure mũa eropa buhecũ ĩagu mũa mera mucubirigũaca yũhũa. Eropigũa yũ mũaare buherare guñagũa, “Bu gohra ta mũaare buhebiriya yũhũa,” arĩgũaca yũhũa. Eropigũa Cristo ĩgũa i yeba ĩgũa dujaricũ mũa mera mucubirigũaca yũhũa. Eropigũa gũhyasĩuro tarisome yũhũa.

17 Cristore mũa umupeoturacũ Goãmũa mũaare ĩhasũagũcumi. ĩgũa eropa ĩhasũacũ ĩagu mũaare Cristo yare yũ buheri waja yũre erã wejẽdiaquerecũ ta mucubirigũara. Eropirã mari arĩpehrerã yujuropa ta mucubirirãca.

18 Eropa ta mũa sãre yũ mera mucubiriro gahmea pũhrũa yũ sĩricũ ĩarã.

Timoteore, Epafrodito sãre werepũa Pablo

19 Mari Opũa Jesu ĩgũa gamecũ yojaro mera Timoteore mũa pohrogue obeodiaa yũhũa mũa árĩricũrire masibu. Eropa masigũgue ta mucubirigũaca.

20 ĩgũa Timoteo mũa õaro árĩborore diaye ta burigã guñami mũaare. Gajigũa ĩgũa iro dopa ta arĩgũa marimi yũre.

21 Gajirãpũa arĩpehrerã erã gameri dihtare iidia, Jesucristo ĩgũa gameripũre iidiabeama.

22 Timoteopũa ĩgũa õaro iirire masia mũa. Yũ magũa iro dopa ta arĩgũa ĩgũa yũ mera õari buherire weremũrimi. Eropirã gũa yujuropa ta Cristo yare buhemũrabũa.

23 Eropigu õ majarã oparã yure erã duhpihurire masira pũhrũ, Timoteore mũa pohrogue obeodiaraa.

24 Eropigu mari Opũ Jesu ãgu itamuri mera yojaro mera yũ sã mũa pohrogue wagũca.

25-26 Yũre itamudorerã mũa Epafroditore obeoabũ yũ pohrogue. ãgu yũ acaweregũ, yũ mera mohmegũ, yũ wapi, Goãmũ yare buheturagũ ãhrimi. ãgu mũare turaro guñabeomi. Eropigu ãgu dorecũrare mũa peecũ masigu ãgũpũ “Erã yũre guña bũjawerecoma,” arĩ guñaricũmi. Eropa ãgu wũaro guñaricũcũ ãagu ãgũre mũa pohrogue omedujuro gahmea yũre, arĩ pepia yũhũ dohpaguere.

27 Áríro ta ãgu turaro dorecũami. Mero sĩribocuri tariami ãgu. ãgu eropa dorecũquerecũ ta, Goãmũ ãgũre mojomoro ãagu taricũ iiami. ãgu sĩricũ yũpũ bũrigã bũjawereboaya. Eropigu yũ sãre Goãmũ mojomoro ãami ãgũre taricũ ãgu.

28 Eropigu dohpague tamerare yojaro mera ãgũre mũa pohrogue obeodiaa dipaturi mũa ãgũre ãha sĩñajaboro dopa. Mũa eropa mucubiricũ peegũ yũ sã mucubirigũra.

29 Eropirã ãgũre Epafroditore mari Opũ yagũre õaro mucubiriri mera bocatĩrique. Eropirã gajirãre ãgu iro dopa arĩrãre umupeoqũe.

30 ãgu Cristo yare itamudiagũ sĩrirami. Mũapũ yũre itamumasibiricũ ãgũpũ yũre itamubasamũrami. Eropigu dorecũ sĩrirami ãgu.

3

Õaro árĩri gohrare wereñumi Pablo

¹ Dohpague tamerare ire weregura. Mari Opu mera mucubirique. I buherire ero coregue yu wererare dipaturi opa arĩ gojabeogu mucubiria yuhu. Eropigu ire werenemogu itamugu iiaa muare.

² Gorowerebirã ta árĩque mua. Ñerire iiniguicãrã, diayea iro dopa ta árĩrã, ñerã, gasiro merogã wiri aĩdorerã mua ya dũpũre wiridiana. Eropa iidorerã árĩcũ ñha “Queoro buheri árĩbeaa,” arĩrã õaro iique mua.

³ Erã circuncisión gasiro merogã aĩdoreciarã “Deyoro maja mera Goãmũre umupeocũ õhaa,” arĩrima. Maripu eropa arĩbeaa. Espĩritu Santo ñgu itamuri mera diaye ta Goãmũre umupeoa mari. Mari deyoro maja iiri mera mucubiribeaa. Jesu yarã mari árĩri mera mucubiria mari.

⁴ Eropa mucubiriqueregu ta, yu iirare erã iro dopa arĩdiagũ, erãre docapicãboya yu sã. Gajigu opa ta arĩ tarinugacãdiami. Yũpu ñgu tauro eropa árĩboaya.

⁵ Opa ñgu árĩribũ yuhu: Ocho nũri yu masa dehyoara pũhrũ gasiro merogã wiri aĩnirã árĩma yũre. Israe masũ árĩgu Benjami ya curu majagu ãhraa yuhu. Yu pagũ sumarã hebreo masa erã árĩcũ diaye ta hebreo masũ gohra ta masa dehyoabũ. Moise dorerire diaye ta iipehodiagu fariseo curu mera ñajaribũ yuhu.

⁶ “Goãmũ ya árĩsaca,” arĩgu õaro iiribũ yuhu. Eropigu Jesu yarãpũre ñero iimũricarabũ yuhu.

Diaye ta Moise dorerire iigu irire tarinugaro mariro ipehomuriribu yuhu.

⁷ Iribojeguere “Iri oari arisaca,” arĩ pepimuriribu. “Iri yu eropa arĩ pepira iribojegue yu eropa arĩra duhpiburi arĩbirigohracãdiro arĩbu,” arĩ pepia dohpaguere. Opa ta arĩ pepinugabu yuhu Cristore umupeonugagu.

⁸ Jesucristo yu Opure yu masicũ tamerare oataria. Eropigu gaji doreripure duhpiburi arĩbeaa, arĩ pepia yuhu. Iri arĩpehrerire cóacãbu Cristo yapure iibu. Eropigu iribojegue yu iirare cóãgu “Ñeri gohra ahraya,” arĩ pepia. Cristo yare oaro masibu igu mera majagu arĩbu eropa pepia.

⁹ Eropigu yu ejatuharo oaro yu iira waja “Oagu ahrimi,” arĩ ãbeami Goãmu. Eropiro Goãmu dorerire Moisere igu apirare yu iira waja sare “Oagu ahrimi,” arĩ ãbirami. Cristore yu umupeora puhru “Oagu ahrimi,” arĩ ãami pare igu yure. Goãmuru marire dipuwaja marirã arĩcũ iimi igure mari umupeocũ.

¹⁰ Eropigu ero coregue yu arĩmũhtarare duhcãbu Cristore oaro masigu wabu. Goãmu igu turari mera Cristo masa muriapu. Iri turari mera arĩdiaca yuhu. Eropigu iri turari mera oarire iidiaca. Cristo crusague sĩripu mari ñeri iirare cóãbu. Eropigu igu yare iigu igu iidiro dopa ta ñero taridiaa yu sã.

¹¹ Eropigu Cristo igu masa muriadiro dopa ta, yu sã masa muriadiaca.

¹² I arĩpehreri eropa arĩgu “Cristo iro dopa ñeri marigu arĩtuhajaa,” arĩ pepibeaa. Yu eropa

arĩ pepibiriquerẽcũ ta Cristo ãgu yagu árĩbure òagu árĩbure iiami yure. Eropĩgu ãgu yare ãgu sãre òaro masinemodiagu turaro mera ãgu yare iidiaa yũhũ.

13 Yũ acawererã, yũhũ mũare eropa arĩgu, “Jesucrestore òaro masipehotuhajaa yũhũ,” arĩgu iibeaa. Eropa arĩbiriqerẽgu ta i tamerare iiaa. Yũ iribojegue iirare cãdijigu dohpaguere “¿Goãmũ dohpa iicũ gahmeri yure?” arĩgu bũrigã irire iidiaa.

14 Omabiragu pohbegũ ejamũhtadi ãgu wajata-diaro dopa ta bũrigã iiaa yũhũ yũ wajataborore yũ ñeaboro dopa ta. Cristo ãgu yagu yũ árĩcũ ãagu yũhũ wajataborore obu mũmarogue sihubeomi yure.

15 Òpa yũ arĩro dopa ta pepique mũa sã Cristore òaro masirã árĩrã. Eropirã mũare yũ wererare mũa peediabiricũ gajiropa mũa pepicũ Goãmũ mũare òaro masicũ iigũcumi.

16 Eropirã ãgu yare mari masirare òaro ii ojogorocũrã.

17 Yũ acawererã, mũa árĩpehrerã yure ãhacũque. Eropirã gajirã gũa iiro dopa iirãre ãhanũrũque mũa erã sãre mũa ãhacũboro dopa.

18 Bajasuburi gajirãre ñerãre wereabu yũhũ mũare. Dohpague sãre bũrigã bũjawerẽgu erãre ta werea mũare daja. Erã ñero iiri mera “Cristo crusague ãgu sĩridi árĩmi,” arĩ buherire ãhaturirã ãhrima.

19 Erã peamegue wamorã ta ãhrima. Erã uaribejaripũre bũrigã gahmema. Eropirã iri mũare guhyasĩrisãborare erãpũ “Mari iiri òari

ãhraa,” arĩma erã. I umu maja dihtare pepima erã.

²⁰ Maripure mari ejaburi maca umarogue ta ãhraa. Eropigu erogue ta marire taubu mari Opu Jesucristo dujarigucumi. Eropirã igu dujari-borore corerã iiaa mari.

²¹ Igu dujarigu mari dupure bu arĩri dupure gajiropa arĩri dupure gohrotogucumi igu. Eropigu igu ya dupu iro dopa ta õari turari dupure gohrotogucumi marire igu turari mera. Arĩpehrerã opu ñajami igu iri turari mera. Eropigu arĩpehreri Opu ãhrimi igu iri turari mera.

4

Umuri nucu mari Opu mera mucubirique, arĩ gojañumi Pablo

¹ Eropirã yu acawererã, yu mahinirã, burigã yu guñarã, yure mucubiricũ iirã, mua guñaturadiro dopa ta mari Opure burigã guñaturaniguique mua.

² Ire weregura muare Evodiare, Síntique sãre: Jesu yarã nome ãhraa mua. Eropirã mua game duyasorire duhu õaro mera arĩricu arĩque mua basi.

³ Mupu diaye ta yu wapi gohra ãhraa. Mu sãre weregura: Erã nome yu mera, Clemente mera, gajirã yu wapicurã mera mohmeama õari buherire gua buhecũ. Goãmu erã waĩ sãre gojatutuhañumi igu yapũgue. Umuri nucu ojocariburire igu onirã waĩre igu gojaturipũgue gojatutuhañumi erã waĩ sãre. Eropigu erã nomere bosaque mũhũ.

4 Mũa árĩpehrerã Ʃmuri nũcũ mari Opũ mera mucubirique. Dipaturi ta weregũra daja: Mucubirique.

5 Őaro iiniguicãque mũa õaro iinirã árĩrare árĩpehrerã masa ïhamasiborore. Mari Opũ Cristo ïgũ ariboro merogã dũhyaa.

6 Mũa árĩricũre ne bũjawere guñaricũbircãque. Mũa guñaricũ bũjawererire Goãmũre õaro werepehocãque. Eropirã ïgũre õaro serẽque. Eropirã mũa serẽrã ïgũre “Őhaa,” arĩque ïgũre.

7 Mũa eropiĩcũ, õaro árĩcũ guñaricũro mariro iigũcumi Goãmũ mũare. ïgũ eropa iiri õataria. I mari õaro árĩri õataria. Eropiro Jesucristo yarã mari árĩcũ marire õaro árĩcũ iigũcumi Goãmũ. Marire õaro sĩporãcũcũ iigũcumi. Eropigũ bũjawererire guñaniguicãcũ iisome ïgũ marire mari ïgũre serẽra pũhrũ.

Őarire pepique, arĩ gojañumi Pablo

8 Acawererã, ire weretubu iiaa mũare. Queoro árĩrire, masa erã umupeorire, õaro iirire, ñero marirore, sũarire, masa “Őari ãhraa,” erã arĩrire pepique mũa. Őatariani iri árĩcũ iripũre pepique. Masa õarire ïarã erã mucubiririre mũa sã mucubiri pepique. Iri árĩpehrerire guñaque irire mũa iiboro dopa.

9 Mũare yũ buhediro dopa ta eropa ta iiniguicãque mũa. Eropirã yũre ïhacũque mũa. Mũa eropa iicũ Goãmũ mũare õaro árĩcũ iigũ mũa mera árĩgũcumi.

Filipo majarã Pablore erã orare wereñumi ïgũ

10 Dohpague tamerare yoara pührugue mũa dipaturi yũre guñarã mũa itamurare mucubiria. Eropa mucubirigũ mari Opũ Cristore “Õhaa,” arãa. “Yũre cãdijia wabũ mũa,” arĩbeaa yũhũ. Iribojeguere yũre itamudiaquererã itamumasibirinirã árĩbũ mũa.

11 Yũre mũa itamurare weregu “Yũre dũhyaa dohpa,” arĩ werebu iibeaã yũhũ. Mũare gajinore gamegu eropa arĩgu iibeaã. Yũ opari mera árĩmasia yũhũ.

12 Gajinore moogu sã õaro árĩmasia yũhũ. Eropigũ baja opagu sã õaro árĩmasia yũhũ. Æmũri nũcũ oaboagu sã oare nũgapoa waca. Yapigu árĩgu sã õaro árĩpoa waca. Dabero opagu sã árĩpoa waca. Yũre gajino maricũ sãre õaro árĩpoa waca.

13 Cristo yũre turacũ iigu mera árĩpehrerire yũ eropa warire ii bocatĩumasia yũhũ.

14 Yũ eropa árĩpoadigu árĩquerecũ ta yũ ñero taricũ mũa itamurã yũre õaro iiabũ mũa.

15 Õari buherire yũ buhediacũ Macedonia yeba mũa ya yeba árĩdigũ yũ wacũ gaji maca majarã Jesu yarã yũre itamubirama. Mũa dihta yũre itamuabũ. Irire masia mũa. Mũare yũ buhecũ yũpũre mũa itamucũ mari yujuropa ta Cristo yare iirã iiabũ.

16 Eropirã Tesalónicague yũ árĩnicũ ãarã yũre itamubeobũ. Yujuyerisuburi yũre dũhyacũ ãha yũ gamerire obeobũ mũa.

17 Gajinore serẽgu eropa arĩgu árĩbeaa. Gajirãre mũa itamucũ Goãmũ mũare õaro itamugũcumĩ. Ìgũre mũa itamuri waja Goãmũ

mũare ĩgu õaro iicũ gahmea yũhũ. Mũa eropa itamurã guñaturarã wacũ sãre gahmea yũhũ. Eropigu yũre mũa itamurare guñacũ iiaa mũare.

¹⁸ Dohpaguere yũre õaro opehoabũ mũa. Yũ gamera tauro ohabũ mũa yũre. Yũre Epafrodito mera mũa obeora pũhrũ gajino ne dũhyabeaa yũre. Mũa yũre ora Goãmũre ora iro dopa ãhraa. Yũre mũa ora Goãmũre õaro sũacũ iiaa.

¹⁹ Jesucristo marire õaro iidi árĩmi. Eropigu árĩpehrerire mũare dũhyarare ogũcumi mari Pagũ mũare. Õatariari ĩgu oparire ogũcumi.

²⁰ Ʋmũri nũcũ mari Pagũre Goãmũre umupeorã. Eropa ta iiporo.

Pablo õadorepũ

²¹ Árĩpehrerã Goãmũ mera árĩrã Jesucristo yarã õaporo. Mari acawererã Jesu yarã yũ mera majarã sã mũare õadorema.

²² Árĩpehrerã õ majarã õarã Jesu yarã õadorema. Roma majarã weca opũ ya wihi majarã tamera bũrigã õadorema.

²³ Mari Opũ Jesucristo mera mũare õadorea. Eropa ta árĩniguicãporo. Iripẽta ãhraa.

Desano

Desano: Goñmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source files dated 1 May 2025

17771afc-c309-57fd-9ff3-2d5a0cd59ff1